



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

VI. Applicatio Indulg. Pl. Perp. pro Defunctis in Ecclesiis Minorum
Conventualium.

[urn:nbn:de:hbz:466:1-74715](#)

ANNO 8
1690.

ALEXANDER OCTAVUS.

ANNO
1690.

Superioribus Conventuum sub eisdem virtute, & præcepto, ut intra 24. horas post præsentium receptionem publice coram tota Communitate legere faciant, teneanturque modernus R. A. P. Provincialis de præsentium receptione, sub eisdem virtute, & præcepto, & pœnis nobis arbitriis debito tempore nos certiores facere, ut gestorum rationem reddere valeamus. In nomine Patris, & Filii, & Spiritus Sancti Amen. Quibuscumque in contrarium non obstantibus. In quorum fidem his offici nostri sigillo munitis manu propria subscriptimus. Datum Romæ in Conventu nostro Sanctæ Mariæ super Minervam die 19. Octobris 1687. Antoninus Cloche Magister Ordinis. Fr. Ignatius de Quassada Magister Provincialis Predicotorum Servus.

Preces Procuratoris Provincie.

Confirmatio relatarum Literarum.

§. 2. Cum autem, sicut eadem expositio subiungebat, præfatus Procurator literas hujusmodi quippe ad conservandum, & solidandum in Provincia præfata Regularis disciplinæ vigorem eximie conducibiles pro firmiori illarum subsistentia, & ne unquam earum observantia sub quavis prætextu, titulo, & capite, etiam validitatem, & justitiam ipsarum literarum concernente in controversiam vocari possit, Apostolicæ confirmationis nostra patrocinio communiri summopere desideret: Nos ipsius Petri Procuratoris votis hac in re quantum cum Domino possumus, favorabili annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa lati, si quibus quomodolibet innodus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, ac Ven. Fratri nostro Palutio Episcopo Sabini, S. R. E. Cardinali de Alterius nuncupato Ordinis predicti apud Nos, & Sedem Apostolicam Protectore auditio, præinseritas memorati Antonini Magistri Generalis literas cum omnibus, & singulis in eis contentis auctoritate Apostolica tenore præsentium confirmamus, & approbamus, illisque inviolabilis Apostolicæ firmatis robur adjicimus, ac omnes, & singulos juris, & facti defectus, etiam substantiales, si qui desuper quomodolibet intervenerint, seu interveniente dici, censeri, vel prætendi possent, supplemus, & sanamus.

§. 3. Decernentes ipsas præsentes literas firmas, validas, & efficaces exstere, & fore, suosque plenarios, & integros effectus fortiori, & obtinere, ac illis ad quos spectat, & spectabit in futurum in omnibus, & per omnia plenissime suffragari, & ab illis respective inviolabiliter observari: sive, & non aliter in præmissis per quoquaque Judices Ordinarios, & delegatos, etiam causarum Palati Apostolici Auditores, ac ejusdem S. R. E. Cardinales, etiam de latere Legatos, & Apostolicæ Sedis nuncios, aliquos quilibet quacumque præminentia, & potestate fungentes, & functuros, sublata eis, & eorum cuiilibet quavis alteri judicandi, & interpretandi facultate, & auctoritate, judicari, & definiti debere; ac irritum, & inane, si secus super his a quoquavis auctoritate scienter, vel ignoranter contingit attentari.

§. 4. Quo circa Venerabili Fratri Francisco Archiepiscopo Rhodien, in Portugalliae, & Algarbiorum Regnus nostro, & Apostolicæ Sedis Nuntio per præsentes committimus, & mandamus, quatenus ipse per se, vel per alios ubi, & quando opus fuerit, & quoties pro parte præfati Petri Prioris, seu aliorum interesse in præmissis habentium, seu aliquibus eorum desuper fuerit requisitus, easdem præsentes literas, & in eis contenta quacumque solemniter publicans, illisque in præmissis efficacis defensionis præsidio assistens, faciat auctoritate nostra illos omnes, & singulos

præsentium literarum, & in eis contentorum eorumdem commodo, & effectu pacifice frui, & gaudere, non permittens illos desuper a quocumque quavis auctoritate quomodolibet indebit molestari, perturbari, vel inquietari. Contradictores quilibet, & rebelles per sententias, censuras, & pœnas Ecclesiasticas, aliquae opportuna juris, & facti remedia appellatione postposita compescendo, legitimisque super his habent. servatis processibus, censuras, & pœnas ipsas, etiam iteratis vicibus aggravando, invocato etiam ad hoc si opus fuerit auxilio brachii secularis.

§. 5. Non obstantibus præmissis, ac fel. rec. Bonifacii PP. VIII. prædecessoris pariter nostri de una, & Concilii Generalis de duabus dietis, aliisque Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon quatenus opus sit præfatorum Ordinis, & Provincie, aliisque quibusvis etiam juramento, confirmatione Apostolica, vel quavis firmitate alia robora statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robre permanens, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 6. Volumus autem, ut earumdem præsentium literarum transumptis, seu exemplis, etiam impressis manu alicuius Notarii publici subscriptis, & sigillo personæ in Ecclesiastica dignitate constituta munitis, eadem prorsus fides tam in judicio, quam extra illud ubique locorum habeatur, que ipsis præsentibus haberetur si forent exhibitæ, vel ostensæ.

Datum Roma apud S. Mariam Majorem sub Annulo Pisc. die VII. Jan. MDCXC., Pontificatus nostri anno Primo.

Clausulæ.

Conceditur, ut Indulgentia Plen. perp. in Ecclesiis Minorum Conventualium die 2. Aug. applicari possit animabus Defunctorum.

Similis concessio facta fuit ab Inn. XI. Minoribus de Observ. & Reform. Conf. ed. 1687., Jan. 22. Pont. 2. Necnon Capucinis Conf. ed. 1689. Maij 10. Pont. 3. aliae Indulgentie Conventualium extant Inn. XI. Conf. ed. 1680. Aug. 26. Pont. 4. Et Iacob. XII. Conf. ed. 1695. Aug. 18. Pont. 5.

ALEXANDER PAPA VIII.

Dat. 20. Jan.
1690. An. 1.

Ad perpetuam rei memoriam.

Alias fel. rec. Clemens PP. X. prædecessor A noster omnibus, & singulis utriusque fexus Christifidelibus vere penitentibus, & confessis, ac sacra communione refectis, qui aliquam ex Ecclesiis Fratrum Ordinis Minorum S. Francisci Conventualium nuncupatorum, tam nunc eritis, quam imposterum quandcumque erigendis & ubique locorum existentibus die 2. Mensis Augusti a primis vesperis, usque ad occasum solis diei hujusmodi annis singulis devote visitasset, & ibi pro Christianorum Principum concordia, hereticorum extirpatione, ac Sanctæ Matris Ecclesiæ exaltatione pias ad Deum preces effudisset, plenariam omnium peccatorum suorum Indulgentiam, & remissionem misericorditer in Dominino concessit, & alias prout in ipsis Clementis prædecessoris literis desuper in simili forma Brevis die 3. Octobris 1670. expeditis, quas perpe-

Prædicta Indulg. concessa fuit a Clem. X.

tuis

ANNO
1690.

ALEXANDER OCTAVUS.

ANNO
1690.

Præces Pro
curatoris
Gen.

Concessio
applicationis
d. Indulg.

Clausulæ.

VII.

Dat. 21. Jan.
1690. An. I.

Exordium.

Species fa
cti, & causa
Extensionis.

tuis futuris temporibus valere voluit, uberioris continetur.

S. 1. Cum autem, sicut dilectus filius Antonius Fabozzi Procurator Generalis dicti Ordinis nobis nuper exponi fecit, Indulgentiam Plenariam, & peccatorum remissionem, ut præfertur concessam etiam animabus Christifidelium Defunctorum per modum suffragii applicari posse summopere desiderent. Nos piis ejusdem Antonii Procuratoris Generalis votis hac in re quantum cum Domino possumus favorabiliter annuere volentes auctoritate Nobis a Domino tradita plurimum in Domino confisi, Indulgentiam plenariam, & peccatorum remissionem Christifidelibus præfatis supradictas Ecclesias Fratrum Ordinis Minorum S. Francisci Conventualium die secunda mensis Augusti, ut supra, visitantibus, & premissa peragentibus concessam, etiam Christifidelium Animabus, quæ Deo in charitate conjunctæ ab hac luce migraverint per modum suffragii applicari posse, etiam perpetuo concedimus, & indulgemus. In contrarium facien. non obstantibus quibuscumque.

S. 2. Volumus autem, ut earumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubiqui locorum habeatur, quæ ipsis præsentibus haberetur si forent exhibita, vel ostensa.

Datum Romæ apud S. Mariam Majorem sub Annulo Piscatoris die XX. Januarii MDCXC. Pontificatus nostri Anno Primo.

Extenditur senarius numerus Magistrorum ad duodenarium pro provincia Bætica Eremitarum S. Augustini.

Similis extensio pro Provincia Peruana extat Inn. XI. Conf. ad 1688., Jan. 22., Pont. 12. Et pro Provincia Quitenis hujus Pontificis Conf. ed. 1690., April. 30. Pont. 1.

ALEXANDER PAPA VIII.

Ad perpetuam rei memoriam.

EX injuncto Nobis divinitus pastoralis solicitudinis munere sacrarum, bonarumque literarum studia præsternit inter Christifideles divinis obsequiis sub suavi Religionis Jugo addictos opportunitis rationibus fovenimus, & promovemus ac ut debitus virtuti honor repandatur, libenter providemus, sicut omnibus maturæ considerationis trutina persensis rationi consentaneum esse in Domino arbitramur.

S. 1. Exponi siquidem Nobis nuper fecit dilectus filius Joseph Guerrero de Torres Frater expresse professus, & Assistentis Hispaniarum Ordinis Fratrum Eremitarum Sancti Augustini, quod alias Capitulum Generale dicti Ordinis novissime in Alma Urbe nostra celebratum, inhaerens decreto dudum a Congregatione tunc existentium S. R. E. Cardinalium negotiis, & consultationibus Episcoporum, & Regularium præpositorum die 19. Novembris 1682. pro Provincia Peruana ejusdem Ordinis edito, in quo, attento, quod numerus Fratrum dictæ Provinciae notabiliter excreverat, demandatum fuerat, ut in Capitulo generali Ordinis præfati nunc proxime celebrando, de numero magistrorum dictæ Provinciae augendo ageretur, prout subinde Decreti hujusmodi vigore dictum Capitulum Generale senarium ejusdem Provinciae Magistrorum numerum ad duodenarium extendendum esse fancivit, præfataque extensio a fec. rec. Innocentio PP. XI. Prædecessore nostro per quasdam suas in simili forma Brevis expeditas

literas, approbata, & confirmata fuit, probeque considerans Capitulum generale præfatum, easdem plenarie rationes etiam in Provincia Bætica Ordinis supradicti, quæ copioso pariter Fratrum numero referita exsistit sibi locum vindicare, de consensu Venerabilis Frattis nostri Palutii Episcopi Sabini. ejusdem S. R. E. Cardinalis de Alteris nuncupati dicti Ordinis apud nos, & Sedem Apostolicam Protectoris, duodecim posterum esse Magistros de numero dictæ Provinciae Bæticae illius amplitudini, & æquitatí maxime contentaneum censuit, si Noster, & hujus S. Sedis desuper consensus accederet; Nobis propterea dictus Joseph humiliter supplicari fecit, ut in præmissis opportune provideret, & ut infra indulgere de benignitate Apostolica dignaremur.

S. 2. Nos igitur ejusdem Josephi votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penitentiis vel ab homine quavis occasione, vel causatis, si quibus quomodolibet innodatus existat ad effectum præsentium dumtaxat consequendum harum serie absentientes, & absuntum fore censentes, hujusmodi supplicationibus inclinati, ut de cætero Senarius dictæ Provinciae Bæticae Magistrorum numerus ad duodenarium, servata tamen in reliquis quo ad prædicti Ordinis Constitutiones, nec non consuetudines, & usus præfatae Provinciae Bæticae præscripta forma, augatur, Apostolica auctoritate tenore præsentium concedimus, & indulgemus.

S. 3. Decernentes easdem præsentes literas semper firmas validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & spectabit inviolabiter in futurum in omnibus & per omnia plenissime suffragari: Sicque in præmissis per quoscumque Judices Ordinarios, & Delegatos, etiam cauñarum Palati Apostolici Auditores, judicari, & definiri debere; ac irritum, & inane si fecus super his a quoquam quavis auctoritate scienter, vel ignoranter contigerit attentari.

S. 4. Non obstantibus re. me. Sixti V., & Clementis VIII. Romanorum Pontificum, etiam Prædecessorum nostrorum de senario Magistrorum numero, aliisque Constitutionibus, & Ordinationibus Apostolicis, nec non Ordinis, & Provinciae Bæticae præfatorum, etiam Juramento, confirmatione Apostolica, vel quavis firmate alia roboratis statutis, & confuerudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenuores præsentibus pro plene, & sufficienter expressis, ac ad verbum insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

S. 1. Volumus autem, ut earumdem præsentium Literarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in Judicio, quam extra illud ubique locorum habeatur, quæ ipsis præsentibus haberetur si forent exhibita, vel ostensa.

Datum Romæ apud S. Mariam Majorem sub Annulo Piscatoris die XXI. Januarii MDCXC. Pontificis nostri Anno Primo.

Præcipitur continuatio Visitationis Ecclesiarum, & Locorum Piorum Urbis.

Indicta fuit nova Visitatione Apostolica ab Inn. XII. Conf. ed. 1693., Jan. 11. P. 2.

9 ANNO
1690.

Præces Assi
stantis His
paniarum.

Extensio
prædicta.

Clausulæ.

VIII.

ALE-